



Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiæ & Iuris Canonici Doctoris |||
celeberrimi, ac Ecclesiæ Ham-||burgensis quondam
Decani**

Krantz, Albert

Coloniae, 1574

Capvt XXX.

urn:nbn:de:hbz:466:1-11453

posset ut adesse pateretur, exiuit cumeo rex, nè vere-
cundia tangeretur. Postera die re composita per regem,
vnà ad diuinum officium proficiscuntur. Cùm conuiuio
pro regia magnificentia excepti latiores essent, fenestra
prospiciens dux Bernhardus, vidit leonem fusilē, quem
Henricus dux pater, honoris suo & memoriae collocasset:
comiter leonem appellans, ait: Quousq; vertis hiatum
in Orientem? desine, iam habes quod voluisti: conuer-
tere nunc in aliam mundi plagam. His verbis omni-
um auxit alacritatem, solutique sunt in risum vni-
uersi.

C A P V T X X X .

P roficietur inde rex Otto in Goslariam, vbì rebus
ex sententia cōstitutis, peruenit ad cœnobium & wa-
kenrode, vbì à quinquaginta duobus abbatibus est exce-
ptus, consalutatus, & in fraternitatem, quod magni ille
fecit, receptus: & ab illis solenniter per dies aliquot pro-
curantur de more commeatus. Heripolim veniens, vbì
conuentum indixit, cum hymnis & laudibus excipitur
concidente choro, Aduenisti desiderabilis. Aderant apo-
stolici legati: Hugo Ostiensis, Leo Sabinensis, cardina-
les episcopi, cum magna prælatorum, principum & no-
bilium frequentia. Sifridus Moguntinus, Theodericus
Coloniensis, Iohannes Treuerensis, Euerhardus Saltz-
burgensis archiepiscopi: Henricus Argentinus, Sifridus
Augustensis, Constantiensis quoquè, Otto Frisingensis,
Manegoldus Patauiensis, Henricus Ratisponensis, Lu-
dolphus Basileensis, Heribertus Hildesemensis, Iso Ver-
densis, Halberstadensis, Hanelbergensis episcopi: Cona
Elewangenensis, Fuldensis, Hersfeldensis, Corbeiensis,
Prunensis, Herbipolensis, abbates: Odoacer rex Bo-
hemie, marchio Morauie, Lupoldus Austriae, Bernhar-



dus Saxonie, Ludouicus Bauarie, Bertoldus de Sarlingia,
Lotharingia, Brabantieq; duces, marchio Misnensis, de
Landesberge Conradus, de Brandenburgo Adelbertus, &
alij quāplures. Rex solis, quos diximus, prælati & prin-
cipibus in consilium euocatis, ita proloquitur: Arbitr
cæli Deus, qui etiam suscitat de puluere egenum, vt cum
principibus se deat, & solium regni teneat, quiq; olim in-
ter fratres contemptum Dauid ad regnum prouexit, i
per solitam sibi clementiam non respuens nostram hu-
militatem, quem reprobauerunt ædificantes lapidem, il-
le constituit in caput anguli: Nuuc ergo diuinæ paren-
tes iuſſioni, non refragamur, vestrum præſertim cernen-
tes in nostra assumptione consensum. Tales nos propitio
Deo geremus, vt nemine in hoc cōuentu suæ vocis peni-
teat: Nuptias inire suademur à multis: In conspectu no-
stro est omnis regni nobilitas, de illuſtrissimis domibus vel
vnā inueniamus regio dignā thalamo: Multorum audi-
mus inclinationem principū, qui Philippi quondam duci
Sueviae filiā in commune bonū nobis putarūt consociandam: Sed obſtat prohibitus consanguinitatis gradus: cui
ſi apostolico munere consulatur, nihil est quod nos de-
treclēmus. Ceterū rem omnem in communem omnium
vestrū deliberationem reycimus, consilio vestro nō de-
futuri: hoc enuncianteſ, ſi ſex annorum millibus nobis
vita, quæ per angusta eſt, donaretur, nollemus inire con-
ſortiū thalami cū detrimēto perpetuæ ſalutis: quid enim
habet omnis mundus, quod anima ſua quif; preponat?
Nec mouemur ſuper dote, quæ quoniam ſit ampliſſima,
inter quatuor Philippi filias diſtribuatur: Nos in re toti
proſperitas, & vestri iudicij indubitata grauitas denun-
ciauerit, nobis eſt faciendum.

CAPV